

## Iluarsiissut

Siunnersuummik 16. august 2018-imik ullulerneqartumik taarsiivoq  
*(§ 18-imi, § 12-mut aamma § 20-mut quleqtaaqqat kiisalu § 26-imi atuutilersitsinermut tunngatillugu kapitalit immikkoortinneranni iluarsiisoqarpoq)*

**Siunnersuut uunga: Pinngitsuuisinnaajunnaarnermik katsorsaasarneq pillugu Inatsisartut Inatsisaat nr. xx, xx.xxx 2018-imeersoq**

### Kapitali 1

*Atuutsinneqarfia nassuaatillu*

**§ 1.** Inatsisartut Inatsisaat manna pinngitsuuisinnaajunnaarnermik katsorsaanermut atuuppoq.

*Imm. 2.* Inatsisartut Inatsisaanni matumani pinngitsuuisinnaajunnaarneq imatut paasineqasaaq imigassamik, hashimik, aanngajaarniutinik allanik, aningaasanoorajunnermik tamatumngalu eqqaanartunik atornerluineq aamma pinngitsuuisinnaajunnaarneq.

**§ 2.** Inatsisartut Inatsisaanni matumani kommuni najugaqarfik imatut paasineqassaaq kommuni inuup aalajangersimasumik angerlarsimaffeqarfia aamma inuit allattorsimaffiannut allatsinneqarfisaa, taamaattorli tak. § 3, imm. 2.

*Imm. 2.* Inuit paaqqinnittarfinnut, ilaqtariinnut allanut, paaqqutarinninnermut immikkoortaqarfinnut assigisaanniluunniit oqartussaasut aaqqiinerat tunngavigalugu inissinneqarsimasut kommuni attuumassuteqarfisartik pigiinnassavaat, tassa inissinneqarnerup siornatigut aalajangersimasumik angerlarsimaffeqarfisimmasartik aamma inuit allattorsimaffianni allatsinneqarfisimmasartik.

### Kapitali 2

*Pinngitsuuisinnaajunnaarnermik katsorsaaneq*

**§ 3.** Naalakkersuisut Inatsisartut Inatsisaat manna tunngavigalugu inunnut Kalaallit Nunaanni inuit allattorsimaffianni nalunaarsorneqarsimasunut aamma aalajangersimasumik najugaqartunut akeqanngitsumik pinngitsuuisinnaajunnaarnermут katsorsartinnissamik neqerooruteqarsinnaapput, taamaattorli tak. imm. 2.

*Imm. 2.* Inuit aalajangersimasumik najugaqartuunngitsut aamma Kalaallit Nunaanni imaluunniit nunami allami inuit allattorsimaffianni nalunaarsorsimannngitsut, imm. 1-imi aalajangersagaq apeqqutaatinngagu, Inatsisartut Inatsisaat manna tunngavigalugu ikiorneqarnissaminnut neqeroorfigineqarsinnaapput pinngitsuuisinnaajunnaarnermут katsorsartinnissamut qinnuteqaateqarnermik siuninnguatigut piffissami kipiffeqanngitsumi sivikinnerpaamik qaamatini arfinilinni aalajangersimasumik Kalaallit Nunaanniissimagunik, taamaattorli tak. imm. 3.

*Imm. 3.* Inunnut nunami allami najugaqavissunut aamma nunami allami inuit allattorsimaf-fianni nalunaarsorneqarsimasunut imm. 2 atuutinngilaq, aamma pineqartut Kalaallit Nunaanni pinngitsuuisinnaajunnaarnermut katsorsartinnissamut qinnuteqaateqarneq sioqqullugu piffis-sami kipiffeqanngitsumi sivikinnerpaamik qaamatini arfinilinni sivisussuseqartumik najuga-qarsimagaluarpata.

**§ 4.** Naalakkersuisut pinngitsuuisinnaajunnaarnermut katsorsartinnissamik neqerooruteqar-sinnaapput nammineq katsorsaavinni ingerlataminni imaluunniit kommunit, pisortaqarfiit allat imaluunniit neqerooruteqartut namminersortut suleqatigalugit.

*Imm. 2.* Katsorsaanermik neqeroorut kommunit, pisortaqarfiit allat imaluunniit neqeroorute-qartut namminersortut suleqatigalugit pilersinneqarpat isumaqatigiisummik suliaqartoqas-saaq, tassani minnerpaamik ilaatinneqassapput makku:

- 1) sullissinerit sorpiaat pineqartut,
- 2) sullissinerit qanoq ilillugit ingerlanneqassanersut aamma
- 3) sullissinerit qanoq akeqassasut.

*Imm. 3.* Naalakkersuisut katsorsaavii imm. 1-imi taaneqartut pilersinneqarnissaannut, ator-neqarnissaannut, ilusilersorneqarnissaanut, aquunneqarnissaannut aamma ingerlanneqarnis-saannut sukumiinerusumik maleruaqqusaliorsinnaapput kiisalu katsorsaavimmi katsorsaarner-mik suliaqarnermut tunngasunut maleruaqqusaliorsinnaallutik.

**§ 5.** Katsorsaanermik neqeroorut tassaasinnaavoq:

- 1) Pinngitsuuisinnaanngitsunut neqeroorummik atuisunik siunnersuineq ilitsersuinerlu.
- 2) Imminut ikiornissamut atortussanik tunniussineq aamma sivikitsumik akulerunneq.
- 3) Kingunerlutsitsinernik katsorsaaneq.
- 4) Nakorsaatitortitsilluni katsorsaaneq.
- 5) Inunnik ataasiakkaanik, aappariinnik aamma ilaqtariinnik oqaloqatiginnittarnikkut kat-sorsaaneq.
- 6) Katsorsartereernerup kingornatigut neqerooruteqartarnerit.
- 7) Imminut ikioqatigiittussanik pilersitsinerit.
- 8) Neqeroorutit taaneqartut akuleriissillugit ataatsimik arlapinnilluunniit neqerooruteqarneq.
- 9) Neqeroorutit allat pinngitsuuisinnaajunnaarnermik katsorsaanissamik siunertaqartut.

*Imm. 2.* Katsorsaaneq ornigutsitsisarnikkut, ullukkut neqeroorutit imaluunniit ulloq unnu-arlu neqeroorutit ingerlanneqarsinnaavoq.

*Imm. 3.* Piffimmi katsorsaanissamut periarfissat aamma isumalluutit katsorsaanermik neqe-roorutini apeqqutaasarmata innuttaasoq aalajangersimasumik katsorsartinnissaminut piumasa-qateqarsinnaanngilaq.

*Imm. 4.* Naalakkersuisut inunnut pinngitsuuisinnaanngitsunut 18-it inorlugit ukioqartunut katsorsaanissamik neqeroorutinut tunngatillugu aalajangersaassapput.

*Imm. 5.* Naalakkersuisut inunnut pinngitsuuisinnaanngitsunut immikkut ittumik katsorsarne-qarnissamik pisariaqartitsisunut sukumiinerusumik maleruaqqusaliorsinnaapput.

**§ 6.** Naalakkersuisut pinngitsuuisinnaajunnaarnerni ataasiakkaani, § 1, imm. 2-mi allassimamsuni, qanoq katsorsaasoqarnissaanik sukumiinerusumik maleruaqqusaliorsinnaapput.

### **Kapitali 3**

*Pinngitsuuisinnaajunnaarnermik katsorsaanerup aaqqissuussaanerani killiliussat*

*Allorfik*

**§ 7.** Naalakkersuisut Allorfik pinngitsuuisinnaajunnaarnermik ilisimasaqarfittut pilersissaavaat.

*Imm. 2.* Allorfik aaqqissuussaanikkut Peqqissutsimut Naalakkersuisoqarfipataani inisisimavooq.

*Allorfimmut suliatigut siunnersuinermut ataatsimiititaliaq*

**§ 8.** Allorfik suliatigut siunnersuinermut ataatsimiititaliamik 5-init 7-inut ilaasortaqartumik pilersitsissaaq.

*Imm. 2.* Ataatsimiititaliap katitigaanera Peqqissutsimut Naalakkersuisoqarfimmit akuersisutigineqassaaq.

*Imm. 3.* Allorfik ataatsimiititaliap suleriaasissaanik aalajangersaassaaq.

*Imm. 4.* Allorfik ataatsimiititaliamut allatseqarfittut atuuppoq.

*Qitiusoqarfimmi aqutsisoq*

**§ 9.** Qitiusoqarfimmi aqutsisoq Allorfiup ulluinnarni aqunneqarneranik isumaginnittuuvooq.

*Imm. 2.* Qitiusoqarfimmi aqutsisoq Allorfimmi sulisunik atorfinititsinermut akisussaasuuvooq, taakkununnga ilanngullugit najukkani katsorsaanermut qitiusoqarfinni.

*Imm. 3.* Qitiusoqarfimmi aqutsisoq tulluartumik ilinniarsimasuussaaq masteritut qaffasissusilimmik aamma Allorfiup ikiaroortartunik katsorsaasartutut ilinniartitaanermik neqeroorutigisaanik naammassisqaqsimasuussalluni.

*Imm. 4.* Naalakkersuisut qitiusoqarfimmi aqutsisup suliassai pillugit sukumiinerusumik malederuaqqusaliorsinnaapput.

*Allorfiup suliassai*

**§ 10.** Allorfik makkuninnga suliassaqarpoq:

- 1) Pinngitsuuisinnaajunnaarneq pillugu iliuuserisanik ataatsimoortumik ataqtigiiisaarineq.
- 2) Pinngitsuuisinnaajunnaarneq pillugu iliuuseqarnermik nakkutilliineq, nalilersuineq aamma sunniutaasunik uuttortaaneq.
- 3) Sammisap iluani ilinniartitaanernik ilitsersuisarnermillu ineriartortitsineq aamma pilersaarusiorneq.

- 4) Qulakkiissallugu katsorsaasarnermut neqeroorutit, tak. § 4, imm. 2 isumaqatigiisummi killiliussat iluanni ingerlanneqartarnissaat.
- 5) Qulakkiissallugu pinngitsuuisinnaajunnaarnernik katsorsaasarnerup ineriartortinneqarnisa.
- 6) Ilisimatusarnernik suliaqarfiiit aamma kattuffiit soqutigisaqaqatigiiffiit suleqatigissallugit.  
*Imm. 2.* Tamakku saniatigut Allorfik akisussaasuovoq makkununnga:
  - 1) Nuna tamakkerlugu katsorsaaneq pillugu paasissutissanik katersuiffimmut aaqqissuussamik paasissutissanik katersuineq.
  - 2) Katsorsarneqartussanik innersuussisarnermut maleruagassanik pilersitsineq.
  - 3) Katsorsartinnissaq sioqqullugu, katsorsartereernermi aamma tamatuma kingorna ingerlaq-qinnissamut pilersaarutinut maleruagassanik pilersitsineq.
  - 4) Pinngitsuuisinnaajunnaarnermut katsorsaanermut tunngatillugu paasissutissiisarneq aamma paasissutissanik ingerlatitseqqittarneq.
  - 5) Susassaqarfiiit akimorlugit ataqatigiissaarineq aamma suleqatigiinneq kiisalu pinngitsuuisinnaajunnaarnermik sammisaqarnerup iluani oqartussaasunik aamma namminersortunik suleqateqartarnernut peqataasarneq.
  - 6) Suliassat allat pinngitsuuisinnaajunnaarnermik katsorsaanermut pingaaruteqartut.  
*Imm. 3.* Naalakkersuisut sukumiinerusumik maleruaqqusaliorsinnaapput Allorfiup sammisaaanut tunngasunut, tamatumunnga ilanngullugit suliassat imm. 1-imi aamma 2-mi taaneqartut.

*Najukkani katsorsaaviit*

**§ 11.** Naalakkersuisut najukkami katsorsaavimmik kommunini tamani pilersitsissapput.

*Imm. 2.* Najukkani katsorsaaviit aaqqissuussaanermi Allorfimmut ilaapput Allorfillu sinner-lugu najukkani suliaqartassallutik.

*Imm. 3.* Najukkani katsorsaaviit katsorsartinnissamut kajumissaarissapput aammattaaq Allorfiup killiliussarititaata iluani innuttaasunik pinngitsuuisinnaajunnaarsimasunik katsorsaas-sallutik.

*Imm. 4.* Najukkani katsorsaaviit suliassat imm. 3-mi taaneqartut oqartussaasoqarfiiit allat i-maluunniit neqerooruteqartut namminersortut suleqatigalugit ingerlassinnaavaat.

*Imm. 5.* Najukkani katsorsaaviit suliassat aamma nunap immikkoortuani sumi inisisimainissaat pillugit Naalakkersuisut sukumiinerusumik maleruaqqusaliorsinnaapput.

*Inuit aanngajaarniutinut tunngatillugu attaviit*

**§ 12.** Sulisitsissut ataasiakkaat inunniq aanngajaarniutinut tunngatillugu attavinnik aaqqissuussinermik pilersitsisinnaapput, taakku suliffeqarfimmi peqataaffigissavaat pinngitsuuisin-naajunnaarnermik pinaveersaartitsineq aamma katsorsartinnissamut kajumilersitsinissaq. Inuit aanngajaarniutinut tunngatillugu attaviit katsorsartinnerup naammassereerpat pinngitsuuisin-naajunnaarnermut uteqqissinnaanermik pinaveersaartitsinermut peqataasinnaapput.

*Imm. 2.* Inuit aanngajaarniutinut tunngatillugu attaviit piginnaasaat aamma piffissap suliffiusup nalaani qanoq atorneqarsinnaanerat pillugu Allorfik sulisitsisunut ilitsersuissaq.

*Imm. 3.* Inuit anngajaarniutinut tunngatillugu attaviit najukkani katsorsaavinnit tapersorsorneqassallutilu iltsersorneqassapput.

*Imm. 4.* Inuit anngajaarniutinut tunngatillugu attavittut suliaqarnerminnut atatillugu paasisutissanik ilisimalersimasaminnik nipangiussisimasussaatitaapput.

*Imm. 5.* Inuit anngajaarniutinut tunngatillugu attavittut suliaqarnissaminnik aallartitsinnginermanni Allorfimmit neqeroorutigineqartumit ilinniartitaanermik ingerlatsisimassapput.

## Kapitali 4

*Katsorsartinnissamut qinnuteqaateqarneq aamma susassaqarfiiit akimorlugit suleqatigiinneq*

**§ 13.** Katsorsartinnissamut qinnuteqaat Allorfimmut tunniunneqassaaq.

*Imm. 2.* Allorfik katsorsartinnissamut neqeroorummik tunniussisoqarnissaanut aalajangiisussaaq.

*Imm. 3.* Katsorsaasoqarnissaanik aalajangiinermut aamma neqeroorummik toqqaanermut tunngaviusut makkussapput:

1) Katsorsarneqarnissamik pisariaqartitsineq, isumalluutit aamma katsorsartinnissamut periarfissat.

2) Katsorsaanermik neqeroorutaasoq akornusiinnginnerpaasumik naleqquttumillu sunniuteqarsinnaasutut nalilerneqartoq.

3) Sapinngisamik innuttaasup angerlarsimaffianut qaninnerpaaq.

*Imm. 4.* Naalakkersuisut katsorsarneqarnissamut neqeroorummik tunineqarnissamut malerauqusanik sukumiinerusunik aalajangersaasinhaapput.

**§ 14.** Allorfik katsorsaanermik neqeroorutinik aaqqissuussisuussaaq pisariaqartinneqartunik naliliineq pillugu innuttaasup pineqartup suleqatigineratigut.

*Imm. 2.* Katsorsaasoqarnissaanut innersuussineq sioqquillugu imaluunniit tamatuma kingoratigut piaartumik Allorfiup paasiniassavaa atuisup ataatsimoortumik qanoq inisisimanera.

*Imm. 3.* Paasinianermit ersersinneqarpat katsorsartinnissaq sioqquillugu kommunip ingerlaataanik iliuuseqartariaqartoq, taava innuttaasup kommuni najugaqarfia pinngitsuuisinnaajunnaarnermik katsorsaanerup siunertarineqartutut sunniuteqarnissaanut pisariaqartunik iliuusisanut pilersaarusiussaaq.

*Imm. 4.* Paasinianermit ersersinneqarpat peqqinnissaqarfiup ingerlataanik katsorsartinneq sioqquillugu iliuuseqartariaqartoq, taava peqqinnissaqarfimmi oqartussat pinngitsuuisinnaajunnaarnermik katsorsaanerup siunertarineqartutut sunniuteqarnissaanut pisariaqartunik iliuusisanut pilersaarusiussapput.

*Imm. 5.* Iliusissat, tak. imm. 3 aamma imm. 4, aallartinneqarsinnaapput katsorsaanerup aallartinneqarneranut ilutigitillugit.

*Imm. 6.* Kommuni najugaqarfiusoq katsorsaanerup naammassinerata kingornatigut iliuusisanut aallartinneqartussanut tunngatillugu pilersaarusiussaaq.

**§ 15.** Susassaqarfiiit akimorlugit iliuuseqarneq katsorsartinnissamut neqeroorummik atuisup katsorsartinnerup kingorna pinngitsuuisinnaajunnaarnermut uteqqinnani ingerlaannarnissaanik aamma meeqqat ilaqtariinni pinngitsuuisinnaajunnaarnermik eqqugaasimasuniittut atugarissaarnerannit immikkut eqqumaffiginninnissamik qulakkeerinnittuussaaq.

*Imm. 2.* Suleqatigiinnermi anguniagassat aamma akisussaaffiit agguarneqarnissaat pillugit kommunit ataasiakkaat aamma Allorfiup akornanni suleqatigiinnermut isumaqatigiissusiortoqassaaq.

*Imm. 3.* Suleqatigiinnermi anguniagassat aamma akisussaaffiit agguarneqarnissaat pillugit peqqinnissaqarfimmi oqartussat aamma Allorfiup akornanni suleqatigiinnermut isumaqatigiissusiortoqassaaq.

*Imm. 4.* Allorfiup ukiut affakkaarlugit suleqatigiinnissamik isumaqatigiissutit pillugit kommunit ataasiakkaat aamma peqqinnissaqarfimmi oqartussat ataatsimeeqatigisassavai.

*Imm. 5.* Naalakkersuisut susassaqarfiiit akimorlugit iliuuseqarnermut maleruaqqusat, tamatumunga ilanngullugit suleqatigiinnermut isumaqatigiissutinut maleruaqqusat, pillugit suku-miinerusumik aalajangersaasinnaapput.

**§ 16.** Innuttaasut ataasiakkaat pinngitsuuisinnaajunnaarnermik katsorsarneqarnerisa sapinngisamik pitsaanerpaamik ingerlanissaat anguniarlugu najukkami katsorsaaviup, kommunit ataasiakkaat aamma najukkami peqqinnissaqarfip akornanni susassaqarfiiit akimorlugit aamma suliatigut ilinniakkat akimorlugit suleqatigiinneq pilersinneqassaaq.

*Imm. 2.* Suleqatigiinnermut taamatuttaaq ilanngunneqarsinnaapput pinerluttunik isumaginnitoqarfik, politiit aamma oqartussaasut allat imaluunniit sullisisut namminersortut, taakkua peqataanissaat inuttaasumut pinngitsuuisinnaanngitsumut tulluarpat.

*Imm. 3.* Susassaqarfiiit akimorlugit suleqatigiinnik ataatsimiijiaqqusinissaq najukkani katsorsaaviit akisussaaffigaat.

## Kapitali 5

*Nuna tamakkerlugu katsorsaanernik nalunaarsuiffik*

**§ 17.** Naalakkersuisut nuna tamakkerlugu katsorsaanerit pillugit nalunaarsuiffimmik pilersitsissapput, tamatumani siunertarineqarpoq pinngitsuuisinnaajunnaarnermik katsorsaanermut tunngatillugu ataatsimoortumik iliuuserisat pillugit katersukkanik takussutissaqartitsisinna-nissaq.

*Imm. 2.* Naalakkersuisut katsorsaanernik nuna tamakkerlugu nalunaarsuiffik, tamatumunnga ilanngullugit nalunaaruteqartarnerit aamma nalunaaruteqartarnermut atortorisassat, ingerlatsi-nermik isumaginninneq aamma paassisutissanik katersuineq pillugit sukumiinerusumik male-ruaqqusaliorsinnaapput.

**§ 18.** Pisortat, katsorsaanermik ingerlatsiviusartut namminersortut aamma katsorsaasartut namminersortut, innuttaasunik pinngitsuuisinnaanngitsunik katsorsaanermik suliaqartartut katsorsaanerup aallartinnerani aamma naammassinerani katsorsaanernik nuna tamakkerlugu nalunaarsuiffimmut nalunaaruteqartassapput.

*Imm. 2.* Pisortat, katsorsaanermik ingerlatsiviusartut namminersortut aamma katsorsaasartut namminersortut katsorsaanerup naammassereerneranit qaammatit arfinillit qaangiuppata katsorsaanernik nuna tamakkerlugu nalunaarsuiffimmut katsorsartinnerup sunniutai pillugit nalunaaruteqassapput.

*Imm. 3.* Kommunini oqartussat katsorsartinnerup naammassinerata kingorna qaammatit pingasut aamma aqqaneq-marluk qaangiuppata katsorsaanernik nuna tamakkerlugu nalunaarsuiffimmut katsorsartinnerup sunniutai pillugit nalunaaruteqartassapput. Inuk kommuuni qimallugu nuussimappat, taava kommunip nuunnermi qimatap kommunimut nuuffigisaanut suliamut tunngasut pisariaqartut ingerlateqqissavai, tamatuma kingorna nalunaarsuineq tassanngaanniit ingerlanneqassaaq.

## Kapitali 6

*Najukkani katsorsaavinni sulisunik ilinniartitsineq*

**§ 19.** Najukkani katsorsaavinni sulisut katsorsaanermik suliaqarlutik sulisut tamarmik ingerlaqqiffiusumik akunnattumik sivisussuseqartumik ilinniarsimasuussapput imaluunniit qaffasinnerusumik ilinniakkamik tulluartumik ilinniarsimasuussallutik.

*Imm. 2.* Inummik ingerlaqqiffiusumik akunnattumik sivisussuseqartumik ilinniarsimasumik imaluunniit qaffasinnerusumik ilinniarsimasumik atorfinitsitsisoqarsinnaanngippat taava inuit piffissami sivikinnerusumi ilinniarsimasut atorfinitsinneqarsinnaapput, taakku tulluartumik sulinermikkut misilittagaqarpata aamma pinngitsuuisinnaanngitsunik katsorsaanermut sammisumik ilinniagaqaqqinermik ingerlatsisimappata.

*Imm. 3.* Kikkut tamarmik najukkani katsorsaavinni katsorsaanermik suliaqartut aangajaarniutnik atuinermut katsorsaasutut ilinniartitaanermik najukkani katsorsaavinnit neqeroorutigineqartumik naammassisqaqassapput.

*Imm. 4.* Allorfiup ilinniartitaanerit allat assingusumik qaffasissusillit akuerisinnaavai.

## Kapitali 7

*Nakkutilliineq, maalaaruteqarneq, aningaasalersuineq*

*Nakkutilliineq*

**§ 20.** Nunatsinni Nakorsaaneqarfik Inatsisartut Inatsisaat manna tunngavigalugu pinngitsuisinnaajunnaarnermik katsorsaanermik ingerlatsinermi sulianik peqqissutsimut tunngasunik ingerlanneqartunik nakkutilliisuovoq, tak. peqqinnissaqarfiup aqunneqarnera, aaqqissuussanera kiisalu peqqinnissamut tunngasutigut sullisisut aamma tarnip pissusaanik ilisimasallit pillugit Inatsisartut Inatsisaanni aalajangersakkat aammattaaq Nunatsinni Nakorsaaneqarfip sulinera pillugu Namminersorlutik Oqartussat nalunaarutaat.

*Naammagittaalliuteqarnissamut periarfissat*

**§ 21.** Aalajangiinerit pinngitsuuisinnaajunnaarnermik katsorsartinnissamut itigartinneqarnermut tunngasut Isumaginnittoqarfiup aqunneqarnera aaqqissuussaaneralu pillugit Inatsisar-

tut peqqussutaat naapertorlugu Isumaginninnermi Naammagittaalliuuteqartarfimmut maalaarutigineqarsinnaapput.

*Imm. 2.* Isumaginninnermi Naammagittaalliuuteqartarfimmit aalajangerneqartoq allaffisornikkut oqartussaasumut allamut suliassanngortillugu saqqummiunneqarsinnaanngilaq.

**§ 22.** Sullinneqarneq pillugu maalaarutit ingerlatsiviup ingerlatsineranut tunngasut Allorfimmut maalaarutigineqassapput.

#### *Aningaasaliineq*

**§ 23.** Allorfimmik aamma najukkani katsorsaanermut qitiusoqarfinnik pilersitsinermut aamma ingerlatsinermut aningaasartuutit Namminersorlutik Oqartussanit akilerneqassapput.

**§ 24.** Innuttaasunik Allorfimmit katsorsartinnissamut innersuunneqartunik katsorsaanermut aningaasartuutit Namminersorlutik Oqartussanit akilerneqassapput.

*Imm. 2.* Innuttaasunik nuna tamakkerlugu ulluunerani neqeroorutigineqartut atorlugit katsorsartinnissamut Allorfimmit innersuunneqartunik angallassinermut ineqartitsinermullu aningaasartuutit Namminersorlutik Oqartussanit akilerneqassapput.

*Imm. 3.* Katsorsaasut Allorfimmik isumaqtigiissuteqarnikkut illoqarfinni najukkami qitiusik katsorsaaveqanngitsuni innuttaasunik katsorsaasut angalanerannut ineqartinerannerannullu aningaasartuutit Namminersorlutik Oqartussanit akilerneqassapput.

**§ 25.** Innuttaasunik Allorfimmit nammineq kommunigisami katsorsartinnissamut innersuunneqartunik angallassinermut aamma ineqartitsinermut aningaasartuutit kommunimi oqartussaasunit akilerneqassapput.

*Imm. 2.* Katsorsartinnissaq sioqqullugu iliuuseqartoqarnissaanut aningaasartuutit, tak. § 14, imm. 3 aamma § 14, imm. 4 kommunimi oqartussaasunit imaluunniit peqqinnissaqarfimmi oqartussaasunit akilerneqassapput, tamatumani apeqqutaatillugu katsorsartinnissaq sioqqullugu iliuuserineqartussat sumut attuumassuteqarnerat.

*Imm. 3.* Katsorsartereernerup kingornatigut pilersaarummut aningaasartuutit, tak. § 14, imm. 6 kommunimit najugaqarfiusumit akilerneqassapput.

**Kapitali 8**  
*Atortuulersitsinermut aalajangersakkat*

**§ 26.** Inatsisartut Inatsisaat manna 1. januar 2019 atuutilerpoq.

*Namminersorlutik Oqartussat, ulloq xx.xxx.20Ix*

Kim Kielsen